



UNIVERSITÄTS-  
BIBLIOTHEK  
PADERBORN

**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

**Laymann, Paul**

**Dilingæ, 1666**

Capitvlvm II. Sicut.

---

[urn:nbn:de:hbz:466:1-62559](#)

ei dare licentiam generalem: cūm priuilegium Papale ad eiusmodi actus episcopales exercendos Episcopus extenderet non possit. Sed pro occurrente aliquo casu, vel necessitate, arbitrator licentiam dari posse; quia id non videtur repugnare voluntati Pontificis, postquam Prælatus ille à Sede Apostolica ad talia, saltē pro sua ecclesia, benedicta prouideat.

Tertius actus Pontificalis ab Abbatibus seu Prælatis benedictis exerceri solitus, est consecratio vasorum, & benedictio paramentorum altaris. De quibus suprà satis dictum fuit.

- 18 Ad extreum quæret aliquis: Si Prælato alicui regulari, & successoribus eius ante annos v.g. centum, aut amplius à Sede Apostolica concessum sit priuilegium, vt sacra vasorum cum chrisinatis vocatione consecrare possit, præcedentes autem Prælati aliqui eo priuilegio nunquam vñ fuerint, vtrum iste Prælatus, qui alioquin ius mitrae & baculi habet, dictum priuilegium, de cuius reuocatione nihil vñquam auditum fuit, exercere possit; an vero per non vsum, amissum censi debeat? Respondeo, cum Rodriq. tom. 1. regul. quæst. 8. art. 1. Felino c. cum omnes, num. 15. de Constit. Quod Prælatus per merum non vsum priuilegij illud perdere non possit, ideoque integrum sit successoris priuilegij vsum temporis diuinitudine intermissum reuocare. Vel enim priuilegium amissum est per præscriptionem, vel per tacitam reuocationem. Primum dici non potest: Quia in actibus merè voluntarijs, ac nemini oneris non procedit præscriptio; vt si habetas priuilegium legendi libros hereticos, & eonunquam vtaris, non propterea amittis: quia nemo cogitur priuilegio, aut beneficio vti, sicuti dixi lib. 1. tract. 4. c. 23. num. 22. Neque alterum dici potest: quia Prælatus non potest renuntiare iuribus ac priuilegijs quæ data sunt dignitati suæ: cūm talis renuntiatio sit species alienationis, quæ requirit causam iustum, & Capituli consensum, &c. Si igitur Prælatus per expressam renuntiationem tale priuilegium per-

dere non potest, multò minùs pertinetam, & præsumptam. Verum tamen est, ex diuturno nostra vñ priuilegij præsumptionem originis priuilegium datum non esse, vel reuocatum; vt proinde hoc casu necesse sit illud exhibere. Quamobrem etiam Summus Pontifex consuetudinem habet, ea tantum priuilegia v.g. Regularium confirmandi, aut alijs per communicationem conferendi, quæ in vñ sunt.

## CAPITVLVM II.

### Sicut.

#### PARAPHRASIS.

Perlatum est ad Clementem III. quod alii cuius diœcesis Monachi, & Canonici regulares, redditus quarundam Parochiarum, in quibus ius præsentandi, seu ius patronatus habebant, vñibus Monachorum suorum applicarent: neque velint, vt si dictas ecclesiæ vacare contingat, persona ad eorum præsentationem instituantur ab Episcopo, sed ipsi, occasione concessionis ipsis factæ à quibusdam antecessoribus Episcopis, arbitrio suo Vicarios instituant, & destituant, eosque pensionibus ita onerant, vt paupertate pressi nec Ecclesiæ decenter deseruire, neque Episcopo subsidia debita præstare, neque erga peregrinos hospitatem exercere queant. Ad hæc respondet Pontifex: Non esse permittendum, vt antiquus & debitus Ecclesiæ status aliorum recordiæ subvertatur; ideoque tales excessus ab Episcopo (sidi& Ecclesiæ à iurisdictione eius exceptæ non sint) emendandos esse: Insuper si Monachi, aut Canonici regulares intra tempus à Concilio Lateranensi sub Alexandro III. definitum, videlicet intra sex menses à die vacationis numerandos (cap. 2. de concess. præb.) personas indeas ad ecclesiæ vacantes Episcopon præsentauerint, ipse metuere deuoluto in-

stitutus.

stituere Rectores poterit; sed pro vna  
vice tantum, ut deinceps patronis præ-  
sentandi ius integrum seruetur.

## S V M M A R I V M.

1. Patronus, etiam Ecclesiasticus, non potest redditus ecclesia, vel beneficij in suis usus convertere.
2. Patronus ecclesia curate non potest in ea presbyterum instituere, nec destruere, sed debet Episcopo personam idoneam presentare, a quo instituatur. Rationem tamen administrationis temporalium exigere potest a Rectoro, quod ius non habet paronus laicus.
3. Episcopus non potest iura Ecclesiarum alteri donare, etiam pio loco, sine Capituli consensu. Nunc iure Trident. prohibitum est Episcopis Ecclesiam parochiale Monasterio, Abbatie, dignitati, vel alteri beneficio simplici unire.
4. Si Ecclesia parochialis unitur Monasterio &c. veluti extinguitur beneficium curatum, ita ut patronu*m* ius presentandis amittat, unde ad unionem faciendam patroni consensu requiriatur.
5. Vicarius maximè si inuestitus sit, tenetur ad subsidium charitatum & alias exactives, qua aliquando beneficiariis ab Episcopo imponuntur.
6. Vicarius alius est perpetuus, qui ab Episcopo inuestiti debet; alius temporalis, & ad nutum Rectoris principalis amabilis, qui titulum beneficij non habet.
7. Ius presentandi presbyterum in Ecclesia parochiali Monasterio acquiritur vel ob merum ius patronatus, vel ob famam incorporationem seu unionem parochie.
8. Si Ecclesiastatione populi non est exempta, sed subiecta Episcopo in spiritualibus Monasterium, licet ceteroquin exceptum, cui illa ecclesia unita est, debet primò presentare Vicarium idoneum ab Episcopo examinandum & instituendum.

9. Secundò debet eius ecclesia sarta testa conservare, & altaris paramentare reparare, in defectum redditum, qui profabriga deputatis sunt.
10. Tertiò Vicarius, etiam temporalis, & Religiosus Ordinis exempti, subiecto visitationi Episcopi eius, cui populus subiectus est.

**N**O T A N D V M I. Patronus, etiam Eccl. Ecclesiasticus, non potest redditus Ecclesie, vel beneficij, sub praetextu iuris patronatus, proprijs vobis applicare, excepto si moderatam aliquam prælationem, cum Episcopi consensu in literis fundationis sibi referat, iuxta c. præterea, 23. de iure patrnat.

**N**O T A N D V M II. Patronus Ecclesie curate non potest in ea presbyterum instituere, multò minus destruere: sed debet Episcopo personam idoneam præsentare, a quo instituatur. Quare, tametsi Ecclesiasticus patronus sit, v.g. Abbas, Monasteriū, vel Capitulum Collegiatum, nihil circa curam plebis, & sacramentorum administrationem Rectori instituto præcipere potest, sed Episcopo denuntiare, si officium male administret: Potest tamen rationem administrationis temporalium exigere a Rectoro, præsertim si ipsi suspectus sit, c. in Lateranensi, 31. de præbend. Cuiusmodi ius laico patrono non competit, vt Abbas ibi notauit, n. 2.

**N**O T A N D V M III. Episcopus non potest iura Ecclesiarum alteri donare, etiam pio loco: Quid intelligi debet, nisi consensu Capituli accedat, vt Gl. hic notat, ver. concessione. At vero cum Capituli consensu poterat olim Episcopus loco pio seu religioso donare iura & redditus Ecclesiarum parochialium, cum patroni consensu, c. pastoralis, 7. de donat. Nunc vero per Trident. Concil. sess. 24. c. 13. de reformat. prohibitum est Episcopis, ne parochiale Ecclesiam Monasterio, Abbatie, dignitati, Canonicatu &c. veluti extinguitur beneficium.

**N**O T A N D V M IV. Si parochialis Ecclesia unita sit Monasterio, dignitati, Canonicatu &c. veluti extinguitur beneficium.

P P P 3                    curature

curatam, ita ut patronus ius praesentandi amittat, sicuti ex communi docet Felinus c. cum accessissent, n. 2. de constitut. Barbosa de offic. Episc. p. 3. allegat. 72. n. 189. Gar. cias de benef. p. 11. c. 2. n. 3. Quamobrem ad vniōnem faciendam patrōni consensus necessarius est, iuxta cit. c. pastoralis, & dixi lib. 4. Th. mor. tr. 2. c. 13. q. 5. corol. 2. Facta enim vniōne, Rector principalis semper censetur esse is, qui Abbatiam obtinet, canoniciū, aliud beneficiū, qui proinde Vicarium constituere, & Episcopo præsentare debet, congrua illi assignata redituum portione, ita ut decētem sustentationē habeat, & hospitalitatem erga peregrinos, ac misericordiam erga pauperes exercere possit, vt hīc & in c. de Monachis, 12. de præbend,

**5** **N**o **T** A N D V M V. Vicarius, præsertim si inuestitus seu intitulatus sit, tenetur ad subſidium charitatuum, & alias exactiones, quæ aliquādo beneficiatis ab Episcopo imponuntur. Ita hīc & cit. c. de Monachis: Hæc enim sunt iura Episcopalia, quæ Pontifex ait Vicariis persoluenda esse. Id verò intelligi debet secundūm ratam portionem, quæ ipsis ex beneficio prouenit. Interdum verò Vicariis, alijsq; pensionarijs portio seu penſio assignatur omnino libera, ita ut totum onus principalij Rectori incumbat, tametsi is alioquin exemptus sit. Non enim exemptus est ratione populi, & ecclesiæ parochialis Episcopo subiectæ: quia vniō fieri censetur, saluo iure Episcopali, vt dixi lib. 3, Th. mor. tr. 3. p. 1. c. 3. n. 11. & 12. & lib. 4. tr. 2. c. 17. q. 5. & docent DD. in cit. c. pastoralis, vbi Abb. n. 6. Hoc autem casu necesse non est, vt aliqua certa portio redituum ex beneficio designetur, sed sufficit ei dare congruentem sustentationem, quando, vt dixi, omnia alia onera, etiam hospitalitatis exercendæ, incumbunt principali, v. g. Monasterio, vt habetur in Clem. 1. de iure patron.

**6** Aduerte autem, quod dixi, præsertim si inuestitus &c. Est enim duplex Vicarius, perpetuus, & ad nutum Rectoris principalis amobilis. Perpetuus ab Episcopo inuestiri debet: quia vicaria perpetua est benefi-

cium, ideoque in titulum erigitur, vt ex communi testatur Garcias de benef. p. 11. c. 2. n. 15. Sed Vicarius temporalis, seu amobilis titulum beneficij non habet: nisi quod multi dicant apud Ioann. Gallemart. super Trident. sess. 7. c. 7. in remissionibus, ante finitum annum, Vicarium temporalem non posse amoqueri, nisi causa exigat. Quod sanè æquum est, maximè si Vicarius secularis sit.

**N**o **T** A N D V M VI. Si patronus intrat tempus legitimū non præsenteret, vel collator ordinarius non prouideat, devoluitur ius ad Superiorem tantummodo pro ea vice, adeò vt tametsi collatio vel institutio non consequatur, patronus vel collator recuperet ius suum. Ita docet Azor tom. 2. lib. 6. c. 28. q. 14. In simili dictum est in c. Vintoniensis, 25. de elect.

Pro pleno intellectu huius c. aduerten- dum est, quod Monasterium & eius nomine Abbas ius præsenterendi presbyterum in ecclesia parochiali duplici ex capite habere possit: Vel ob merum ius patronatū, vel ob factam incorporationem seu vniōnem parochiæ. Quod ad primum attinet, ius patronatū monasterio varijs modis acquiri potest; puta quia ecclesiam ædificavit, donauit, aut eius ædificationi fundum suum assignauit: vel quia ius patronatū Monasterio donatum est, vel cum rerum vniuersitate ad illud transiit, v. g. per emptionem castris, aut dominij. In hoc casu loquitur Clemens III. huius c. auctor, quod Monasterium Episcopo Rectorem idoneum præsentare debet instituendum; præter id autem neque reditus ex parochia accipere, neque ullum ius in presbyterum sibi usurpare possit. Idemque traditur in c. In Lateranensi, 31. de præbend, in c. vn. de capellis, in 6. & in c. sanct. causa 16. q. 2. interprete Gl. princ. eiusdem q. 2. & Gratiano super c. vlt.

Quod ad alterum attinet, parochie incorporatione duabus modis fieri potest Monasterio, Capitulo Cathedrali, Canoniciū &c. Vel quoad temporalia tantum, vel quoad temporalia & spiritualia simul, & sic pleno iure. Vniones, seu potius donationes par-

parochiarum quoad temporalia tantum (vi-  
de) ut relicta congrua portione Presbytero,  
reliqui prouentus, vel pars eorum ad Mo-  
nasterium pertineat jolim Episcopi facere  
solebant, iuxta c. pastoralis, 7. vbi id Innoc.  
notat, n. 1. Abb. n. 8. de donation. & in c. 3.  
n. 6. de priuileg. Ea nimirum conditione,  
ut Monasterium, vel Capitulum, cui incor-  
poratio reddituum facta est, nihil omnino iu-  
ris seu in personam Presbyteri, seu circa cu-  
ram populi sibi vendicet. Neque verò hoc  
casu necesse est, ut præsentatio presbyteri  
ad Monasterium pertineat, quando solùm  
reditus temporales donati fuerunt; & non  
sunt etiam ius præsentandi Rectorem.

Vniones seu incorporationes Ecclesias-  
tom parochialium, aliorumue beneficio-  
rum, qua Monasterio sunt quoad tempo-  
ralia, & spiritualia, dicuntur fieri pleno iure,  
interprete Gl. in cit. c. 3. ver. pleno iure.  
Verum & hunc ipsum modum incorpora-  
tionis distinguere oportet secundum doctrinam  
Innoc. & Ioann. Andr. in c. 1. de capel-  
lis Monachorum, Abb. in cit. c. 3. n. 1. Al-  
uini de potest. Episc. & Abbat. c. 13. n. 3.  
§. At merito: Vel enim Ecclesia Monasterio  
subiecta est iure plenissimo; ita ut etiam po-  
pulus ab Episcopo exemptus sit: hoc casu  
Monasterij Abbas habet iurisdictionem  
quasi Episcopalem, ita ut sine dependentia  
ab Episcopo dioecesis Presbyteros seu Vicari-  
os instituere, & destituere possit, vti etiam  
docet Rodriq. tom. 1. regul. q. 36. a. 1. Vel  
Ecclesia ratione populi non est exempta, sed  
Episcopo subiecta in spiritualibus: hoc casu  
nil ferme refert, vtrum Monasterium se-  
cundum se exemptum sit ab Episcopo, né-  
ce: quia vtroque casu, qui frequentissimus  
est, obseruari debent ea, quæ ex mente Con-  
cilij Tridentini proximè subiungam.

Primum: Vicarium idoneum præsenta-  
re debet Episcopo, ab ipso examinandum, &  
instituendum. Sed dubitatur primò: Vtrum  
ipse perpetuus esse debeat, an temporalis. Re-  
spondeo, cum Garcia p. 11. de beneficijs, c.  
2. n. 4. Barbosa de potest. Episc. p. 3. alleg.  
72. n. 189. Inprimis inspiciendum esse, quid  
metacum conuertum fuerit, & quid in literis

factæ vnionis, seu incorporationis contineat:  
tur: quia status Ecclesiæ non facilè immu-  
tandus est, argum. huius c. vbi id notant Io-  
ann. Andr. & Anton. de Butrio, & Clem. vn.  
hoc tit. Concessum tamen est Episcopo, si  
Ecclesiæ expedire videatur, ordinare, ut Ec-  
clesia deinceps per Vicarium perpetuū ordi-  
netur, tametsi antehac semper temporealem  
habuerit, vti habetur in Bulla Pij V. 46. quæ  
incipit: *Ad execendum, & in Trid. sess. 7. c. 7.*  
de reform. iuncta Cardinal. declaratione. Sed  
limitari id debet primò; Nisi in literis vnio-  
nis à Sede Apostolica factæ post Concil. Trid.  
expressum sit, quod Parochia per Vicarium  
temporealem regi debeat. Excipe secundò:  
Nisi Ecclesia curata dicto modo unita sit  
Monasterio, tum prohiberi non potest, quod  
minus Ordinis eiusdem Regularis, ad nut-  
rum Prælati amobili, seu Obedientiarius E-  
piscopo præsenteretur examinandus, & insti-  
tuendus. Ita enim concessum esse à Gregor.  
XII L ea conditione, ut Religiosus socium  
Ordinis sui secum habeat, testatur Cardinal.  
declaration super cit. sess. 7. c. 7. de Reform.  
Garcias cit. c. 2. n. 13, Barbosa cit. allegat.  
72. n. 190. Aliud de potest. Episc. c. 14.  
n. 2. Vide etiam c. vlt. de Capellis Monacho-  
rum, & Concil. Trident. sess. 25. c. 11. de  
reform. cum Cardinalium declarationibus.  
Dubitatur secundò: Vtrum Vicarius regularis  
esse debeat, an secularis? Respondeo: Si  
Rector principalis sit regularis, v. g. Præpo-  
sus aut Capitulum Ecclesiæ Cathedralis,  
non potest institui Vicarius regularis, iuxta  
ea quæ dixi int. de elect. Dico II. Si paro-  
chia Monasterio unita sit, Abbas regularem  
Vicarium ad nutrum amobilem constitu-  
ere potest: excepto, si in literis vnionis ex-  
pressum sit, ut per Vicarium seculari paro-  
chia administretur, vel nisi a longissimo tem-  
pore per Vicarium seculari administrata  
sit, præsertim si intitulatus fuerit.

Secundum. Monasterium, cui ecclesia v-  
nita est, eius sarta te&ta conseruare, & altaris  
paramenta reparare debet. Quod intelligi  
debet in defactum redditum, qui pro fabrica  
deputati esse solent. Ita colligitur ex c. 1. c.  
de his, de Ecclesijs adif. Ratio est: quia cum

Monas-

Monasterium ex ecclesiâ comoda percipiat, vid. annuos prouentus, etiam onera sustinere debet, iuxta l. vn. C. de eaducis tollendis, §. pro secundo, in fine, ibi: *Neque enim ferendus est is, qui lucrum quidem amplectitur, onus autem ei annexum contemnit.* Quare Aluinus cit. c. 14. n. 3. inter alia signa Ecclesiastarum parochialium pleno iure, id est, etiam quoad spiritualia ad Monasterium spectantium hoc etiam numerat, si Abbaes illis suppeditare tenentur calicem, missale, & alia eiusmodi; quicq; obligantur ad conseruationem fabrica tuius, vel partes Ecclesiæ, & adeandem resarcendum, si quādo indiget.

**10** Tertium. Vicarius, non tantum perpetuus, sed etiamsi temporalis tantum sit, subiacet visitationi Episcopi, seu Ordinarij eius, cui populus subiectus est: non obstante, quod Vicarius, v. g. Religiosus Ordinis aut Monasterij exempti, secundum propriam personam exemptus sit: nihilominus subiaceat visitationi, & iurisdictioni Episcopi, quo ad curam populi, & administrationem sacramentorum. Ita Trident. sess. 25. c. 11. de Regulari, cum declarat. Cardinalium. Verum, vt in postrema declaratione habetur, ijdem Vicarij Monasteriorum, tum non tantum Regulares, sed etiam seculares, si ad nutum amobiles sint, visitari etiam possunt a Prælato Monasterij: quia etiam ipsi in spiritualibus immediate subiiciuntur, tanquam immediato Rectori suo, a quo & auocari possunt. Præterea excipitur in dicto c. 11. Monasterium Cluniacense, & omnia ea, in quibus Abbates, Generales, seu capita Ordinum sedem ordinariam principalem habent; nam parochiæ eorum ibidem sita ab Episcopo visitari non debent.

Exinde colligitur, longè plus juris in parochiâ habere Abbatem Monasterij v. g. si deputatus sit Vicarius temporalis, quam si perpetuus. Iste enim nullum ius, seu titulum habet; & omne ius parochiæ est penes principalem. At verò Vicarius perpetuus ius, ac titulum in parochia obtinet: cùm autem ius sive titulus beneficij indivisiabilis sit, secundum doctrinam Hostieatis in sum. de filijs presbyterorum, §. Qui filij presbyter-

rorum, ex c. Michael 12. eod. tit. & c. 4. causæ 21. q. 1. in quo habetur, quod unius Monasterij non possint esse duo Abbes; sed nec duo Episcopi in eadem Ecclesia, teste S. August. ideo dicendum est, eandem curam parochiæ ad utrumq; pertinere diversimode; ad Vicarium quidem in actu, ad principalem in habitu, prout distinguunt DD. in c. super eo, 6. ver. annexæ, de præbend. in 6. & docui lib. 4. Th. mor. tr. 2. c. 5. q. 9. Quamobrem Vicarius ab Episcopo institutus & intitulatus à principali parum dependere videtur in spiritualibus, cùm cura parochiæ ipsi attributa sit.

Iis, quæ suprà dicta sunt, obstat videtur c. 1. de capellis Monachorum: *In Ecclesijs, ubi Monachi habitant, populus per Monachum non regatur sed Capellanus, qui populi regat, ab Episcopo, per Concilium Monachorum instituatur.* Resp. Non satis liquet, quidnam eo c. constitutum sit ab Urbano III. I. quamobrem variae eius explicationes afferuntur, vt videre licet apud Abbat. ibi, & Aluinum de potest, Episc. c. 13 n. 3. Arbitror, Vrbanum III. loqui de Ecclesijs parochialibus, quæ prope Monasterium ædificatae sunt; earum enim curam Monachi sibi depositabant, eo solo titulo, quod in fundo ipsorum ædificatae, aut ab ipsis dotata fuerint. Id verò reiectum fuit in cit. c. 1. sicuti & in hoc c. & c. In Lateranensi, 31. de præbend. Qui enim Ecclesiam pro cura populi, Episcopo subiecti, fundat, ædificat, aut doat, ius patronatus quidem acquirit; sed curam, aut redditus Ecclesia nequaquam, nisi id ab Episcopo ultro concessum sit. Quo concessio frequenter olim facta erat, vt Ecclesia in loco Monasterij ædificaretur, & do-taretur eo pacto, vt Monachorum cura subiecta esset, atque ita Ecclesia ab origine sua regularis per regularem Vicarium regetur: cuiusmodi ius Monasterijs nequaquam auferri potest ab Episcopis. Interdum vero Ecclesiæ parochiales, quæ per seculares Rectores administrabantur, postea incorporatae sunt Monasterijs pleno iure, id est, etiam quoad spiritualia. Quo cœlo suprà dixi, inspicendas esse literas unionis, & quidnam eo usque

et vsque obseruatum fuerit: quia status Ecclæ non facile mutari debet.

CAPITVLVM IV.

CAPITVLUM III.

Licet.

**H**onorius ex vna parte, & Remigius per procuratorem suum ex altera parte, diu apud Sedem Apostolicam litigauerant de Archidiaconatu Richemundiae: Quare vt ea res expediatur, mandat Innocent. III. si constet, quod Archidiaconatus ille annum integrum vacauerit, semestri quidem, cum collatio ad Capitulum pertinebat: altero autem semestri, cum collatio per deuolutionem ad Archiepscopum Eboracensem spectabat, (numerato tempore non à die vacationis, sed habitæ notitiae vacationis) vt utrique litigantium silentium imponatur. Cum enim dictus Archiepscopus Superiorum non habeat præter Pontificem, ad eum secundum canones Archidiaconatus illius collatio deuoluta fuit.

**N**OTANDVM I. Si Capitulum, ad quod collatio beneficij, aut dignitatis pertinet, intra sex menses conferre negligat, ius conferendi pro ea vice deuoluitur ad Archiepscopum, si ei Capitulum immediatè subiectum sit. Quid si & ipse per alterum semestre conferre negligat, deuolutio fit ad Papam. De hac re dictum est in c. Ne pro defectu, 41. deelect.

**N**OTANDVM II. Si pena ob negligentiam decreta sit sententia latæ ipso iure, ordinarie non conceditur licentia moram purgandi. Ita Gl. h[ab]it[us] ver. imponatis, Anton. n. 5. Quia, vt Gl. ait in c. licet canon. 14. ver. executione, de elect. in 6. canon, qui est lata sententia, haber in se executionem. Id vero intelligi debet hoc modo, quod Iudex perinde penam exequi debeat, ac si ab initio contrata sit, rescindendo omnia, quæ seculis attenta sunt. Quomodo Pontifex in hoc c. rescidit, seu potius irritam declarauit collationem Archidiaconatus, si facta sit post tempus semestri.

\* \* \*

Literas.

**Q**uidam Prælati & Capitula, beneficia, & dignitates tanto tempore conferre distulerunt, vt secundum Lateran. Concilium sub Alex. III. iure conferendi pro ea vice priuati essent: Postea vero quam intellectus aduentum Legati Apostolici, beneficia illa ac dignitates conferre aggressi sunt. In hoc casu respondet Innoc. III. collationes, secundum canones irritas quidem censeri posse, & male institutis remoueri, tamen ex misericordia, si alioquin idoneæ personæ sint, à Legato in possessione pacifica tolerandos esse: Sin autem non idonei, ijs remotis, alias personas idoneas, auctoritate Apostolica, ad quam propter negligentiam inferiorum collatorum, deuolutio facta est, à Legato instituendas esse.

**N**OTANDVM I. Si priuati iure conferendi, aut eligendi pro vna vice nihilominus aliquem eligant, aut instituant, licet elecitio, collatio, aut institutio, irrita declarari possit, interim tamen, dum nemo se opponit, electus, aut institutus ratus est in conscientia. Ita docui in c. innotuit, 20. de elect. & sumitur ex hoc c. Quia nisi collatio beneficiorum, facta post incursam priuationem, aliquo modo valida fuisset, instituti beneficia retinere non potuissent, abh[ic]que tituli reualidatione.

**N**OTANDVM II. Si priuati propter eligendi aut conferendi negligentiam, elapsi trimestri aut semestri tempore, nemine se opponente, nihilominus eligant aut beneficia conferant, tolerari id potest: qui a multa per patientiam tolerantur, quæ si deducta essent in iudicium, exigente iustitia non tollerarentur, c. iam dudum, 18. de præbend. Dummodo absque Ecclesiæ, seu boni publici, detrimenti tolerari possit: alioquin enim Superior ex officio, etiam nemine petente, procedere potest.

**N**OTANDVM III. Si aliquis in pacifica beneficij possessione sit, non tam facilè ipsi aufer-

Qqq aufer-